



831013

甲行日注卷二

雨山游

本拂

纂

丙戌正月初一日己酉曉霧晴午後風雨

初二日庚戌大風陰冷

初三日辛亥晴風

初四日壬子晴吳巨手來將泛海入閩夜餞
之

初五日癸丑雨水晴巨手次韻謝云封侯可

荆蹕逸史

甲行日注二

一

昂豔淮陰投筆真成遠藝林一意從王行
雅志全家學佛見真心星明好護留津劍
火猛終傾躍冶金但使天家恢廟社辭歸
還共理殘吟

初六日甲寅陰

初七日乙卯晴白霧瀰漫如入大海四望水

天相接耳時聞雞犬聲恍在雲中天際午

後春色開明動郊垆矣步阡陌間茫茫交

初八日丙辰晴

初九日丁巳晴俞武節來

初十日戊午晴

十一日己未晴

十二日庚申晴

十三日辛酉晴同王其翼吳叔向及兒輩往
看姚墳梅花五六十本皆綠萼也種亦高

荆駢逸史

甲行日注一

一一

下疎斜有致又至石涇上人水文軒幽雅
精潔梅花數本是檀香粉紅玉疊穠香拂
人又至簡庵橫枝瘦影臨窻亦盡開矣追
憶八月雨夜恍如一夢

十四日壬戌小雨

十五日癸亥陰冷午後大雷電雨

十六日甲子半夜大雷雨晴明時人有見黑

氣如山自南而北吳叔向亦欲入闕留贈

詩云皇天鞏明德降罰奚嫌頻暫丁百六
厄夏地蒙□塵奔輦顛堂陛延敵紛都闔
沐猴乃冠帶拜伏上美新痛哭在布衣恤
隕匪效顰上希首陽潔誠恐污大倫荼毒
咸弗忍無辜籲蒼冥劔南啟聖主真乃武
乃神星雲呈景慶藪郊游鳳麟義旅盡同
德致討問水濱余愧棄縑畧自分長賤貧
乘桴投闕下願將忠義陳翔躍有虛志途

荆駢逸史

甲行日注一

三二

窮豈識津避近遇大賢幸荷先藉親髡首
良非願寧同遜國臣殷勤爲投引鼎呂假
羽鱗臨別時伸曲曰寄思美人知已銜奚
報鞠躬以致身後以兒殤不果行

十七日乙丑晴夜雷雨

十八日丙寅晴冷沈古叔來

十九日丁卯冷陰

二十日戊辰驚蟄晴

二十一日巳巳陰

二十二日庚午晴

二十三日辛未風雨可生自祖家浜來云湖南夜聞虎聲舉火逐之可見一白虎奔入菰葦中人散復上岸鳴此兵妖也

二十四日壬申大霧如人日午後又更熾然

二十五日癸酉晴

二十六日甲戌雨冷

甲行日注二

四

二十七日乙亥雨

二十八日丙子雨午後晴大風

二十九日丁丑晴大風夜程至云湖中盜賊蠱起矣

二月初一日戊寅陰冷

初二日巳卯陰冷沈古叔寄贈詩云宰官乃現比邱身豈使甘心遂隱淪佛子未嘗無

所猛英雄始信有其人喜持木槌多成筭

屢向蒲團是卧薪寄迹空門知逆境好留
慧劍斬腥塵夜吳叔向虎文携酒過談云
監官塘外有二龍一虎鬪於海中

初三日庚辰晴

初四日辛巳晴

初五日壬午晴姚菴初旭上人來

初六日癸未春分陰冷

初七日甲申晴見吳叔向一扇有阮郎歸詞

荆駝逸史

甲行日注一

五

是構李閨秀卜蕙姬各所書小楷甚媚一

面淡墨山樹卽卜所書題畫詩其所作也

云高卧松窓日正長胸羅海嶽筆奔狂崎

麗雲山輕點就墨光冉冉動衣香父卜稽

之嫁沈伯升皆諸生伯升叔向中表也稽

之三女皆美容工詩畫長適某此中女

也季適朱文恪公孫才色更絕詠春華之

年亡矣

初八日乙酉晴暖桃花映陌楊柳迎風又撩
人無限春愁也

初九日丙戌陰

初十日丁亥陰寒

十一日戊子晴大風

十二日己丑陰冷隣人於太華送炙糕焙菜
太華以孝獲疾不食粥飲二十餘年矣

十三日庚寅陰大風午後雷雨

荆駢逸史

甲行日注二

六

十四日辛卯大雷雨

十五日壬辰陰二兄自乳庵攜筍來余沽酒

坐菴前石上看隣家桃花遠屋三十餘樹

王其翼贈詩云先生道妙才能剛孤標鶴

立神激揚讀書倜儻動有坊君父大節正

不忘辭官淡泊甘農桑頗示已志娛文章

前年燕山泣龍藏洒血萬斛流湯湯攀髯

莫逮徒廻腸淚落成珠珠走香胡爲又遭

此不祥斯文掃地倒冠裳滿朝食祿多覆
狂男兒憤氣激怒張慨然削髮取空王時
不利兮聊潛藏憂從中來心內傷箋詩注
易佛前忙引領美人遙一方不須復起仍
爲郎中興名佐先生相招手安泌與頡頏
膝下才俱堪廟廊翱翔執戟天子傍小子
有懷頗慨慷自傷卑賤無輝光出門長嘯
野荒荒中原一望天地黃

荆駝逸史

甲行日注二

七

十六日癸巳晴大風招二兄飲姪孫子猶來
餽以十金爲逆旅之需

十七日甲午晴暖天色芳美春來第一遷吳
園

十八日乙未大風雨冷

十九日丙申烟雨迷離

二十日丁酉晴大風夜飲吳福崑家園主人

也

二十一日戊戌清明大風午後雷雨踞湖先
榮松楸在夢迺隔百里外不能一樽澆奠
致露濡之怵又亡婦兒女半盂麥飯一陌
紙錢盡付于虛傷何如之

二十二日己亥陰晦夜大雷雨

二十三日庚子陰晦夜飲吳佑君家

二十四日辛丑晴大雨

二十五日壬寅陰午晴顧石甫來北風雨雪

荆駝逸史

甲行日注一

八

衛人之懷已深見之殊慰袖出一金贈余
余苦謝壁立貧士奈何欲周故人石甫云
我心也豈可以貧論哉余恐固却則世間
恒習非吾輩道義心期且重負好友意故
受之然此誼當於古人中求矣

二十六日癸卯陰

二十七日甲辰細雨大風時義兵颺起皆閭

左壠上耕傭聚千人至我族索餉不則一

炬焚之復有出解紛云吾儕以義起奈何
連及工部之居是以不義終也首者亦曰
一人耳其蕪矣各予金錢米乃止時隊
伍未整口下索則又鳥鼠散而平民羅之
余家無長物猶存葛苧數衣亦代漢庭胥
紕之賜大理所失內帑服玩珍寶殆不可
計

余一銀幣六月
中沈君聯借去已
亡圓領典公玉處亦悉為盜取

二十八日乙巳陰

荆馳逸史

甲行日注二

九

二十九日丙午雷雨

三十日丁未大雷雨

三月初一日戊申黑霧如夜大雷風

初二日己酉雨午晴

初三日庚戌晴

初四日辛亥晴大風善長子立綱尙來送食

品二

初五日壬子晴

初六日癸丑晴夜雨

初七日甲寅穀雨大風雨

初八日乙卯晴大風

初九日丙辰晴

初十日丁巳晴初聞黃鸝聲猶憶離家日聽
雁聲也物換星移動人感深矣

十一日戊午晴大風午後雨毛休文贈詩云
身歷滄桑歎陸沉轉教聲價重南金田間

荆駢逸史

甲行日注一

十一

暫覓誅茅地酒後長懸報國心孤賞不辭
玄晏序幽懷欲廢伯牙琴相逢敢附東林
社空谷還應喜足音

十二日己未晴大風

十三日庚申晴吳贊垣携酒菴中

十四日辛酉晴訪匪石初旭吳若英見三四
女子少艾鮮衣採桑陌上忽觀太平景色

倍生感歎

十五日壬戌晴暮晦

十六日癸亥晴夜月照萊黃麥綠上烟光無際

十七日甲子晴□掠家村姪孫玄豐婦錢氏投水死年止二十耳烈矣

十八日乙丑晴倌往武水

十九日丙寅晴大風

二十日丁卯大雨

荆駝逸史

甲行日注二

十一

二十一日戊辰大風冷微晴

二十二日己巳立夏陰寒細雨

二十三日庚午晴

二十四日辛未晴

二十五日壬申晴同休文僑過吼庵坐匪石

北窻下初旭煮笋聽流鶯語鶯甚多笋甚

美

二十六日癸酉晴是日汾湖之戰義師殺□

二千人

二十七日甲戌雨

二十八日乙亥晴

二十九日丙子晴接夾山林公林書昨歲暮

遣二僧訪余於徑山覺公告以臯亭又至
華桐塢知余已去髮故候之并求作夾山
碑記也林公風期高素何異古人千里命
駕之思

荆駭逸史

甲行日注二

十一

四月初一日丁丑晴吳若英見余贈王其翼

詩次韻貽二什云布襪青鞋隱素絲相逢

端只畏人知松窓夢去花爲管江畔吟成

草是籬三徑悞窺籬笑隔分痕累詠燭輸

遲他年認得擎天客曾向山中煉石時一

爲牽往恨鬢成絲門近袁安愧未知周頌

艱難新集蓼楚騷感慨舊吟籬呼童插槿

偏憐短抱膝看雲不厭遲同是萍踪休致

詆鄉關日暮易愁時二徐匪石亦二首云
飛花片片逐游絲簾影深深客不知惟善
保身依白社無繇寫怨託青籬己明宦海
簪抽早爲傍愁城步轉遲若問新亭何所
似一杯殘酒淚成時一孤臣愁緒亂如絲
憔悴深心鬢髮知讀倦離騷傾潦酒扈同
蘭芷友湘籬當年補袞雖無及異日調羹
未是遲草野遺民同患難莫忘瓢笠在山

荆院逸史

甲行日注一

三

時二初旭亦一首云感深幽思髯添絲歲
月如流未欲知身友魚蝦栖水國志甘薇
蕨對江籬心旌搖曳天邊遠花影參差檻
外遲短髮尙留千古恨不妨泥飲待明時
共一箋書之若奕妙墨也

初二日戊寅晴

初三日己卯晴

初四日庚辰陰霏霏雨色如欲沾衣吳若英

卜嘉各匪石初旭來若英又以前韻再贈
四什云落花處處釣游絲未必春歸鳥雀
知舊國不堪悲彼豸美人空自泣芳籬干
戈滿地乾坤窄詩酒藏名日月遲相對祇
今搔短髮江南文物是何時一好音非竹
復非絲滿樹流鶯靜院知曾賦早朝思御
柳欲貽雜佩托香籬不須仙洞尋花僻豈
惜瓊瑤報李遲敢共郎官傳勝事誰如太

荆駢逸史

甲行日注二

十四

白酌湖時二農家三月賣新絲疾苦令惟
隱者知欲斬萑蒲多藝稷誰耒蘭艾獨栽
籬身隨竹杖同僧靜情托楸枰對客遲尙
有赤心埋未得聞君看劍引杯時三不傍
楊家泣素絲久拚心事白鷗知濁醪難問
村中秋香佩空尋江上籬威鳳羽毛驚乍
識篆蝸苔蘚愧相遲板橋西叩僧房靜坐

聽黃鸝叫雨時

四

初五日辛巳大風雨

初六日壬午晴雨縈天迷烟銷樹茫茫極目
盡爲愁人泣寫惟黃鶯甚多無處不現睨
百轉也佮居陽安爲盜罄取僅以身免猶
有胡爲乎泥中之歎曰方在蒼龍角耳貧
士若節又罹此禍

初七日癸未晴卜嘉各亦次前韻贈二什云
早向公朝謝素絲藏名深恐世人知逍遙

荆駝逸史

甲行目注二

五

採遍陶籬菊憔悴吟殘楚澤籬勝有池亭
居是借食惟簌笋客堪遲仰懷空讀詩書
盡何意偏逢飄泊時一眼看蠶箔欲成絲
辛苦愁腸若個知愛酒無田堪種秫傷時
有淚獨拏籬一溪蘆月漁歸晚半榻松風
鶴夢遲最是阮家南北異干戈無患橫侵
時二宦歸自武水夜招休文過談

初八日甲申小滿晴訪吳若英卜嘉各不值

初九日乙酉晴休文亦和贈二什云九鼎還
欣藉一絲孤臣心事野人知擬陶興在仍
資酒弔屈悲深早薦籬宿鳥依林殊眷眷
歸雲入岫故遲遲舊京何日遵皇路却話
新亭讌集時一幽懷綿邈繭抽絲捧日孤
忠有夢知國步艱難滋野蔓臣身澡洗對
江籬強拋塊壘銜杯久細看星辰就榻遲
莫向家園追舊隱同仇方在枕戈時二午

荆駝逸史

甲行日注二

夫

問遂初堂小集共十六人

初十日丙戌晴

十一日丁亥陰風六壬數是日子加丁巳發
用爲初傳日游都也乘月令甚旺雖與丁
同類相扶而以建破支水不勝火已上乘
天空爲奴僕居于北方之位子爲四月信
斂卽加干上天罡加支上乘白虎二將俱
凶白虎爲刀兵亦爲死喪余曰前屬家人

訪仲起訃音今亦宜來其人已生也若得
忽然而至則天空白虎信煞俱應不患游
都矣方粥後有四五人狀悍甚各執利刃
見余一舟沉水中呼令挽出取往稍難之
卽怒目曰我自糾衆來耳余與兒輩往庵
中避焉時其翼叔向虎文休文皆在庵余
又占之干上亥支上卯卯上未發用未爲
旬空又曲直木局生于丁而合支亥書曰
井斗來臨彼此投戈而息戰未井也余曰
盜不來矣已而果止而郡中蒼頭忽至合
坐詫爲奇絕

十二日戊子雨大風冷晡晴吳若英又次前

韻云徑草初刪淨碧絲流鶯遷坐客來知
風高綺席推投轄香疊冰盤勝擷籬爲接
立言忘量小欲酬險韻苦吟遲感君杯酒
徒顏熱我更流離瓊尾時爲初九日遂初

堂飲也匪石亦一首云黃鳥時求友日長
燕喜臨賓朋半僧俗庭戶小山林妙墨前
賢蹟瓷杯先世心同爲習池客我醉取酒
深

十三日巳丑晴于太華送荳穀餅太華通二
氏之學談言娓娓亦足取也繆重余故恆
愧耳

十四日庚寅晴吳同甫亦贈詩云正氣久失

荆駝逸史

甲行日注二

大

恃歲寒見一人舉朝無士義在野有臣純
望闕心難慰逃禪志未伸山河極日異除
髮豈除嘆

十五日辛卯晴吳虎文次前韻云江左文章
擅色絲玉壺標映畏人知壯心辟易還磨
劍豪氣嶙峋足剖籬已信辨才成佛早未
應遠客出山遲聲各留滯傷難立幸識荆

州嘉遯時

十六日壬辰晴家中人來云營中有陳某者
念余貧不許兵入余家而朱斌未知恐肆
掠及我亦以周瑞印條封之感諸將士用
情之厚矣義師去忽安庄□來突入將書
櫺悉毀簡帙拋零滿地午夢堂集板碎可
供爨憤余貧而無物以逞憾也人有識者
云半是山庄諸公家丁所降我德施而怨
報矣昇平橋寇盜日益滋方謀再徙忽傳
判脫逸史

甲行日注二

七

□至倉皇匿叻遂中乃經此南去有七八
十艘幸不泊涯耳於是行計遂決往辭其
翼叔向虎文皆憮然愴別卽具一樽菴中
爲折柳之贈

十七日癸巳晴俟顧夫人公子午猶未至遂
先理楫途中白舸橫出見余而止夜至大

珠宿

顧夫人公子向依余昇平
橋亦以冠故又徙麟溪也

十八日甲午晴俟長白蕩盜船魚騰麇合梢

強取焉過白龍橋遇汾湖隣人送酒一罈
米一石繇簡村出太湖東南風甚大十餘
里波光頃刻飛渡至百福哭拜二先人墓
前循覽松楸幸存無恙忽見一短棹東來
則吳迪之父子暨周魯望不期之會喜異
交深恨眉之不一同把袂耳

十九日乙未晴晤季若於楊莊簡墓屋卽遷
去

荆皖逸史

甲行日注二

三

二十日丙申晴風廬恐有夜虞更遷山內

二十一日丁酉晴沈長文來

二十二日戊戌晴王壻石書餽以二金

二十三日己亥芒種晴

二十四日庚子晴

二十五日辛丑晴

二十六日壬寅晴仲日綱尙黃孺完來止宿

二十七日癸卯晴熱與孺完仲日兒輩綱尙

陟長嶺下至薦福寺寺故吳越王建也渴甚求井水飲寺僧出霜梅侑之至跨塘托徐儀仲少可空念揚孫亦僧服覓一舟往抵青芝山暮矣步至網尚家有二里昏黑中流螢萬點如天星亂落人皆捫星而行亦一奇觀也

二十八日甲辰晴至仲日寓仲日與顧仲熊前後居也端木自秦中歸在焉言錢江事

荆駢逸史

甲行日注二

三

相持一笑仲日設酒大鴻亦在

仲熊端木次子大鴻

端木長子

二十九日乙巳小雨端木洗觶相留出秦中諸詩紀國變寫幽憤如在天寶之世矣述崑山之禍其族聞秀殉節者五六人一嫁王者色尤異也死亦尤烈夏彝仲女爲侯雍瞻子玄洵婦玄洵早死今爲尼云精進

妙慧不減空室道人

宋龍圖學士范珣女

五月初一日丙午甫訪薛諧孟於真珠塢在

圓通庵爲僧風儀樸厚古道君子也毘陵

友人爲蔡威函

名鳳余甲子同年

求詩啟殊工錄

之竊惟中丞殉義事詳韓子之篇相國長

吟歌譜稽生之血高臺荆覆涕掩聞琴壯

士蘭摧悲浮擊筑先生麟游三楚戶頌廉

平星耀兩河人推教節豈遲逢陽九中土

陸沉六月枕戈不奪死綏之志一朝仗劍

荆駝逸史

甲行日注一

三

聿垂正氣之碑憤矢斷頭奚啼節符卞壺

義不屈膝何止舌媿常山傷哉薪市之魂

常隨飢雁痛矣平林之火暗逐流螢緣茲

布懇湘金伏望賜題江錦庶幾黃塵碎骨

欣聞漢戟之招赤野羈魂頓輟楚些之哭

仍附儀仲舟歸風雨颯至返柴庄嶺宿

初二日丁未晴小史凌瑛奏記姑載於此以

記時事云十七日鷓首西發倉猝分別

理

離情悽惻豈勝北風嘶馬之懷數日以來
忽忽如有所失遙企雲山徒增快悵恨無
縮地之術矣理又不及隨行道路修阻未
審如何心至今搖搖旆懸也二十日舟人
南旋知風帆安穩始得脫然念中耳十七
日方行後卽有盜船一二十隻罄搶福昆
家幸不入遂初堂至於村中縱燬肆劫老
穉號泣載道聞之傷心十九夜又七八艇

先掠前浜墮入園內理計皇迫與婦潛竹
篠下幸免剝膚入半眺閣書卷拋擲星散
狼籍之極次日理亦簡拾如故矣二十日
阜亭山德謙同青衫四人特來拜訪云有
要語商之理留宿園館酒蔬之屬勉力苦
支而已此雖存之見鄉村情事亦見理文
雅或不愧鄰家僮奴云先是十五日余以

盜故揲耆遇噬嗑之豫余曰滅趾滅耳解

在孔子之言矣故余十七日決計山行而囑理慎十九廿四二日今理所云則十九

日也噬嗑初九納庚子廿四豫初六納乙

未十九象曰志窮凶也故於乙未日爲小

人不仁不義之徵焉噬嗑上九納乙巳豫

上六納庚戌曰冥豫成有渝无咎冥則不

於日於夜成則其勢已定有渝无咎惟變

而通之斯善耳十九日余在山中人金思

荆駝逸史

甲行日注一

一

眉家思眉庚戌生也武林四友爲吳孫尼

名沈個臣各論沈寶臣各士蔣佑嗣各朝

皆執弟子禮北面門下云同事二十餘士

已設壇插盟草澤中三千人可一朝嚮集

但乏甲仗饌糈故來相計先已謁吳司馬

日生矣廿九日至山余適往潭東假館接

引庵俟焉人皆疑之戶外屢而詰者聲相

錯也不得已告以候余之故乃皆釋然曰

既爾卽正人也夫復何疑余不敏何修得此於衆人之口哉

初三日戊申晴諸友早別半夜大風雨雷電
初四日巳酉晴吳日生遣營校持牘至云武
林諸義士來顧行幕稱說德義頌歎無極
高風大節固宜遐邇景慕垂譽千秋矣但
山林嘉尙獨不念荷戈枕甲之瘁耶弟血
戰經年大仇未報軍孤餉乏救援路絕憂

荆駝逸史

甲行日注二

重

心如忉未知所出若得越中三千君子軍
成犄角之勢亟圖進取所大快也聞諸君
入山問策魯連先生幸廣引教之無虛彼
望

初五日庚戌晴

初六日辛亥晴

初七日壬子晴

初八日癸丑晴陳孝將來患難相別見如再

世云金閭有商航載大松木皆是孝陵園
中物也誰無心胸其能忍此

初九日甲寅晴

初十日乙卯夏至晴

十一日丙辰晴仲日來云姚文初知余在潭
東特躡履至余已歸不及把袂爲恨

十二日丁巳晴

十三日戊午大雨竟日

荆駢逸史

甲行日注二

三

十四日己未晴晡大雨亡儋三週期也無一

杯麥酒澆荒櫬之前遙作祭文數語悲腸

欲絕

十五日庚申雨午晴

十六日辛酉晴

十七日壬戌晴熱

十八日癸亥晴熱

十九日甲子晴熱吳山寺明心上人送黃連

蓀菜

二十日乙丑晴午後大雷叠震雨注如瀑

二十一日丙寅晴往毛家墳園方至卽巨霆
疾澍山亭甚涼小橋溜雨歷數廻折淙淙
如噴碎晶

二十二日丁卯晴午後又雷雨

二十三日戊辰晴熱午大風

二十四日己巳晴杭州黃楚英來朱子夏在

荆駝逸史

甲行日注二

三

二十五日庚午小暑晴熱

二十六日辛未晴

二十七日壬申晴

二十八日癸酉晴弔蕭野虛老友高情念言

結愴

二十九日甲戌晴聖旃姪來

三十日乙亥晴二兄寄懷余之作云荒村日

暮遠烟氳汾水南來不見君身寄上方秦

客恨詩吟澤畔楚猿聞故園深鎖三春雨
遶岸徒高五柳雲想到去年花事共蒲庭
紅落淚紛紛

六月初一日丙子晴願夫人公子自麟溪來
居鳳凰池今日遷潭東有仲熊在余可卸
九泉之托矣

初二日丁丑晴

初三日戊寅晴

荆駝逸史

甲行日注二

三

初四日己卯晴熱夜夢侍兒銀鍼亡內人爲
挽詩云爲雨爲雲事已休楚臺空結雨中
愁生憐麗玉隨黃土自怨明珠墜翠樓仙
去夫人方士帳魂來倩女使君舟謝娘泣
斷金娥冷一任椒華鏡黛收夫挽一侍兒
使事不倫且內人亡十二年矣銀鍼今年
十六媚然在也夢境之誕乃爾

初五日庚辰初伏晴

初六日辛巳晴多風沈磬盤送香蓐畫扇王
石書來云五月二十夜天狗星隕大教場
內此兵象也河圖曰太白散爲天狗天官
書云主破軍殺將

初七日壬午晴熱

初八日癸未晴涼文瑜姪來云二月間義師
初起時其卒在余門前伐一柳枝衆共訶
責之曰物以人重豈有忠義遠遜之家損
其手植乎余何人焉敢比甘棠蔽芾哉而
勿剪之也

荆驍逸史

甲行日注二

无

初九日甲申大風雨自五月患暍日來更劇
初十日乙酉大暑晴

十一日丙戌晴

十二日丁亥晴熱夜大雷雨

十三日戊子陰

十四日己丑大雨

十五日庚寅大雨濯枝之月幽光倍皎

十六日辛卯雨

十七日壬辰晴午後大雨病瘥理來云昇平橋六月四日之盜甚矣書帙去其六七存者亦無全本一二瓦爐瓷杯皆先人遺澤已盡付盜手盜亦安用此爲山中逴傳日生凶問初未敢信理云營中人言確矣夏至日曾爲撰書遇大壯之夬六五喪羊於

荆駝逸史

甲行日注二

三

易今未月也易則其名異哉

十八日癸巳晴夜冷如秋

十九日甲午晴去年今日錢唐公掛冠抵敝廬言念如昨中心愴而理云昇平橋湖南北西至鸞橋數里荷花盛開一望紅香芳艷傾目但寇盜出入岸無炊烟耳

二十日乙未晴

二十一日丙申晴

二十二日丁酉晴

二十三日戊戌晴病瘥止

二十四日己亥晴吳山德持上人送薦福瓜
八枚

二十五日庚子立秋晴

二十六日辛丑晴

二十七日壬寅晴麥麥乎卽有秋氣之悲

二十八日癸卯晴孝將來與同游松風沼泉

荆蹠逸史

甲行日注一

三

之閣

二十九日甲辰晴

七月初一日乙巳晴往吳山寺坐小樓上密

林叢陰風翛翛來余曰當名泚颺閣隱括

羊戎語也

初二日丙午晴熱

初三日丁未晴熱

初四日戊申晴風

初五日己酉晴風

初六日庚戌晴風初聞蛩聲憮然在家中蓼花階下梧葉床邊耳

初七日辛亥晴吳子方周魯望在共談文應

符

各乘

少年勁節不愧文肅公子天既生豪

傑人又徒付之傷惋何歟病河魚又復憊甚

初八日壬子晴熱

荆駝逸史

甲行日注二

三

初九日癸丑晴熱病甚

初十日甲寅晴

十一日乙卯晴熱沈堯年來

十二日丙辰處暑晴暮大風

十三日丁巳晴

十四日戊午晴月光浸屋如山在水中

十五日己未晴

十六日庚申晴大風小雨弄秋入夜風益大

木客鋸山松波攪石如卧龍沙澣海中聽
蒲牢吼

十七日辛酉怒暑更烈黃沙飛捲夜大雨

十八日壬戌晴

十九日癸亥晴

二十日甲子晴夜熱蓬簾不下明月窺床卧
想去秋以迄今夕雁風鶻雨忽忽如夢真
可傷懷

荆駢逸史

甲行日注二

三

二十一日乙丑晴涼

二十二日丙寅晴涼

二十三日丁卯晴病甚

二十四日戊辰晴陳伯成周雅生沈治佐來

晡大雨

二十五日己巳陰風夜冷

二十六日庚午晴

二十七日辛未白露晴病憊極

二十八日壬申風雨冷

二十九日癸酉細雨蕭滲傷耳僚慄感日九
辨云僭悽增歛兮薄寒之中人

八月初一日甲戌晴

初二日乙亥晴往市墟夜有穿窬余曰日
來大盜聚黨白晝探丸此猶昏夜肱發何
其行古之道歟恨不如王彥方遺以布耳

初三日丙子晴

荆駝逸史

甲行日注二

善

初四日丁丑晴

初五日戊寅晴往自市墟歸云晤陸履常於
善慶庵爲僧名孝廉至不能橐餽餽口於
授經賢矣哉

初六日己卯晴

初七日庚辰晴

初八日辛巳晴

初九日壬午晴病中愁緒無聊忽二謀來緝

江邑人沿索里甲錢非真厲也卽邑隸胥
耳可恨如此

初十日癸未晴與侄往市墟至綱尙家暮矣
吳子方王延平公玉子立在

十一日甲申飲顧仲熊家

十二日乙酉晴覓一居停於天井驛城徐宗
伯墓

十三日丙戌秋分晴返踞湖山侄留奉慈庵

荆駝逸史

甲行日注一

三

十四日丁亥晴

十五日戊子晴去秋今夕在湖南一村家月
沉沉瀲灩中今又在東山之上掛松杪矣
異境同慨

十六日己丑陰天色蕭疎催冷淒况鬱人吳
山多生靈芝王荆公云神奇之產銷藏委
繫於蒿藜榛莽之間而山農野老不復知

爲瑞也豈不然哉因思風廬傍得更結一

茅名百芝草堂佛書樓具足了暮年而亂
離之世力艱衣食亡婦兒女亦未有蓬顛
之蔽焉安從餘力及此書之以識我之意
也

十七日庚寅陰薛古溪來三泖人隱此云黃

元功

名端伯

被害僅白汁升許聚寶門外一

僧見之

十八日辛卯晴往指西庵樹木森然蒼秀池

荆駝逸史

甲行日注二

美

中多金魚土人率網取以食甚可惜也

十九日壬辰晴

二十日癸巳晴大風

二十一日甲午晴與徑往市墟

二十二日乙未晴往奉慈菴建中靖國時僧

明所創也門外石上鏤凌碧松三字云趙

松雪書此似未然二松已非古本吳文定

公菴中看白山茶有玉茶花落盡坐久不

知還之句今亦無矣

二十三日丙申晴

二十四日丁酉晴風

二十五日戊戌晴信僑自踞湖山來居天井

二十六日己亥晴顧太冲來僧服

二十七日庚子晴風

二十八日辛丑寒露雨冷

二十九日壬寅晴冷

朔號逸史

甲行日注二

三

一

三十日癸卯晴余遷茶塢嶺上菴無僧止樵者司之

十六日丁酉晴風太冲來僧服

十五日戊戌晴信僑自踞湖山來居天井

十四日己亥晴

十三日庚子晴風

甲行日注卷之二終

一字浮衲 木拂 纂

九月初一日甲辰陰濃雲淡烟山靜如愁晚
來丹碧流霞如七重寶絡菴面臨具區洪
波淼漚西送落日夕陽入戶庭中二桂高
森幽香芬襲老梅瘦倚牆外環以巨篁長
松孤桐叢蕉屋後枇杷楊梅覆蔭周匝竹
木似爲差勝旁無居隣戶絕人迹菴故未

荆駝逸史

甲行日注三

一

有名余名曰一字菴法華經云如是二萬
佛皆同一字號日月燈明也門外一井僅
三尺深而泉色潔映余名曰浸玉泉左枕
潭西山上茂松千章顧文康公墓也右有
古廟云是東漢廣平侯吳漢爲此土地神
潭西名蟠螭山山有龍王廟石壁庵又西
名冲山在湖中去岸十里俯映碧流如絳

仙綠螺終日凝情倚鏡耳

初二日乙巳晴風啟櫺卽與湖山相接輕烟
澹蕩翠嵐欲滴晚則返照波中落霞天外
鮑明遠寒蓬夕卷古樹雲平孤鶴野嘯游
鴻遠吟光景可想也

初三日丙午晴病復作顧太冲來

初四日丁未晴夜大風

初五日戊申陰濃雲罨蒼西風敲竹木間又
作重陽意矣去秋今日正冒雨至一華庵

荆驛逸史

甲行日注二

一一

流光忽忽何以爲懷沈若一來僧服

初六日巳酉陰

初七日庚戌晴流雲時飛秋容鬱白

初八日辛亥細雨深雲仲日同蔣仲芳來仲
芳於倉公書大探微奧更研壬數之學

初九日壬子大風雨冷去秋在一華庵如晦
不已今昔似之然昔坐雨窓下採薪爨供

酒看遠山雲霧今漂搖了處

四子兩在奉
慈兩在天井

西風片片吹雨敲紙窻但聽松濤聲在屋
頂如上千斛蟹湯湍沸 懷旅况一往而
深

初十日癸丑晴風冷

十一日甲寅陰晦湖烟與霧共鎖山雨如沙
欲碎

十二日乙卯大雨午後晴

十三日丙辰霜降烟霧如灑湖山茫茫一色

荆駝逸史

甲行日注三

三一

午後晴潔

十四日丁巳晴冷

十五日戊午晴與偕僦早往奉慈菴菴中造
如來新晴迎安寶座剖石師送致故邀余

陪齋席焉密林曲欄中雨漉漉襲衣濕矣

至菴雨忽大作山頂白霧如蒸及蓮花座
來雨至石公雋姿修挺又非孤潔寂落者

自是神龍香像也齋餘大晴石公去菴僧

試請仙術仙至云豐貴人隋宮人也問之
云偶過廣陵舊處但見衰草連天荒埃拂
目不知胡與華也問他事不對祇爲小沙
彌取字曰勝華夜返天井金波之流如此
十六日巳未晴西北風陡起靜靜作山谷聲
夜月冰壺可濯

十七日庚申晴冷抵暮步浸玉泉外送六疇
之倒影映山谷于襟帶足寄幽絕目攬迴

荆峴逸史

甲行日注三

四

曠暮雲千里遠追荆叔之傷矣久之暝色
漸生徘徊獨返日暮鄉關何處是烟波江
上使人愁不能不凄然感也

十八日辛酉晴

十九日壬戌晴

二十日癸亥晴多風雲

二十一日甲子陰小雨

二十二日乙丑晴午後大雨

二十三日丙寅雷電大雨日出又晦晚晴河
魚劇甚

二十四日丁卯陰大西北風

二十五日戊辰晴冷

二十六日己巳風雨

二十七日庚午大風雨

二十八日辛未晴

二十九日壬申立冬晴

荆歲逸史

甲行日注三

五

十月初一日癸酉陰暮雨叔秀寄粟五斤

初二日甲戌晴隨家人歸舟往踞湖先壟逾

福隆橋遇守塚人載米至又仍過山中船

返天井夜仲日同大鴻仲熊來出白酒飲

之各一蠲爲具

俱家中來

初三日乙亥陰早往吳山有附舟者云郡諸

生吳某虜至時閉其婦樓上自居樓下舉

火自焚死烈士也惜未問其各然家在洞

涇橋可考也至木瀆大雨附客別去余至
風廬宿一燈熒然宛如昔年光景而孤寂
更甚矣

初四日丙子晴暖貧當亂世稍致怵惕之感
止肉與魚三鼎亦不能備耳拜墓卽歸

初五日丁丑晴風

初六日戊寅晴大風與倌僮訪顧太冲同至
岐龍山紅黃遶巖蒼翠交錯高下扶疎迷

荆皖逸史

甲行日注三

六

離濃淡秋氣蕭瑟乃艷冶至此抵暮待兒
以燒栗十枚煖豈一握遺余下酒甞几上
去而樵嫗瓶油已罄無可舉燈火點於枯
竹片授余余左手執竹片右將傾壺火忽
滅猶幸餘光未及暗盡倚短窓下嚼四栗
飲三甌暗中捫床而寢

初七日己卯陰顧端木張齊芳來張烈愍公
子也任金吾亦僧服云嘉定一童子各張

喜有鬼隨之鬼姓王本雲間諸生二十餘
死夙世有負於張故來報德談禍福奇中
令以此多得錢但須張至鬼卽在矣問焉
如響空中語也一日有酒饌款張者鬼曰
我亦欲飲耳卽設杯箸坐側笑談不異行
鵲政甚精忽太息曰此猶明朝故恩也諸
君豈無念哉遂歔歔悲感嗚咽如泣噫今
之鮮衣美食者皆自以爲人也乃良心死

荆楚逸史

甲行日注二

七

盡不如鬼歎

初八日庚辰雨大西北風起端木招飲倅僮
從

初九日辛巳晴在仲日寓酌端木兒輩皆在
余病

初十日壬午晴病愈甚勉強登嶺上秋葉麗

甚

十一日癸未晴

十二日甲申晴

十三日乙酉晴大風

十四日丙戌晴沈君翼生卒貧無四壁依沈君庸家僑居呂山橋舍歿之具一無所出余適賣墓田四畝先有十金償還酒腐賬餘存二兩五錢遣僮持去侗亦賣田爲珠桂計尙在篋中亦與之然余父子自是親戚至情耳病中醫藥所資則皆徐儀仲應給之同是客處貧士又非深交友道所難也亡後奔走竣事則賴黃孺完力矣

十五日丁亥小雪大西北風天氣黃昏慘白

閉門坐冷室內夜病懶飲亦苦無下酒物酒已溫復度置之眠枕上無繇得睡輾轉永夜待旦正遠念非所以安神攝疾也揭帳窺紙櫺光影如晝卽披衣起啟窻月射屋中甌研灼然望之冰輪在西磧山椒矣

荆隲逸史

甲行日注三

八

一

撥土鑪猶有星星餘火吹點瓦燈燈上猶
存殘草二穗焚松毳烘酒復溫一菜侑之
傾壺乃寢

十六日戊子晴松光鎖碧山容寂然

十七日己丑陰翳色凝黃天愁可掬午後微
雨佳往承天寺稱貸空手徒返僧情殊不
可堪

十八日庚寅風雨冷張邇求致札

名立平
崑山人

寄

荆轲逸史

甲行日注三

九

秋芥豆豉亡女瓊章未嫁隕玉邇求執子
婿禮甚殷如此亂離日猶復相念古君子
也

十九日辛卯晴

二十日壬辰陰冷

二十一癸巳晴大風

二十二日甲午陰冷微雨

二十三日乙未晴

二十四日丙申陰冷

二十五日丁酉陰冷余五月初贈薛諧孟一
詩時在吳山阻於魚雁至七夕方得寄去
諧孟隨卽次酬亦至今夕托仲日持來瓊
瑤報桃乃有二也鹿門烟濕坐蒙茸客到
神姿擬阿龍霜冷舊緇誰是主雨濺新鉢
是吾宗海樓萬仞天摩鏡湖寺千扉地負
鐘倘許蓮旬同一粟攢眉久已訂追從一

荆駢逸史

甲行日注三

十一

衲冷雲崖生細茸星芒何幸集荀龍嶺松
尙峙魁三格澗草初拈丈六宗綉就舌華
裁短幅喚回肩劍掛疎鐘秋潭纔隔更闌
月試拂筇苔夢已從二

二十六日戊戌陰冷午晴夜沽村酒甚濁不
能強飲一燈青熒勉爾爲卧幾欲如許伯
之哭

二十七日己亥晴風

二十八日庚子陰風冷茫茫烟雨催流短
景

二十九日辛丑小雨

三十日壬寅大雪雨嶺上冷不可居矣遷下
天井高樓聽雨滴滴聲更愁人耳

十一月初一日癸卯陰冷周魯望在仲日沽
酒爲酌余買魚佐之無巨鱗止魚婢數頭
夜寢晏集作二語云穠香芳芷鹿臚精縷

荆院遠史

甲行日注三

十一

切橙黃細煮蟹有友人在江夏郭文毅公
家得此法曾見宋沈偕書齋須園老研香
柚則昔時吳中亦然而東坡鱸魚詩用金
橙香齏似又不但煮蟹也

初二日甲辰晴冷館人韓女子娜年十五秀
眉俊目粉靨善巨笑室待兒也昨暫歸瀚
見之余日子夜乃殫明妃琵琶耶其主家

固右校丁靈矣

初三日乙巳晴冷同太冲仲日信僊看司徒
廟古栢寄絕外皮盡脫中肉已空猶青翠
鬱然一榮枯相半偃卧廟門上村人以二
石桂支之不知司徒何人無碑可考土人
云自漢時至今栢固似矣志何爲而不載
至綱尙家端木仲熊來飲至暮散

初四日丙午晴飲公玉

初五日丁未晴冷同諧孟維斗集端木齋中

荆駝逸史

甲行日注三

十一

信僊從維斗語郡中某家有三妹皆能吹
簫度曲雜優童中奏梨園伎客皆得觀之
聲容交映蕩人季老尤更異出及筭入遽
須夷夷國歌舞矣

初六日戊申晴諧孟來

初七日己酉陰冷

初八日庚戌晴冷

初九日辛亥晴陰冷

初十日壬子晴過訪諸孟維斗

十一日癸丑晴翠烟繚霜鮮光可愛

十二日甲寅太冲以水仙花來

十三日乙卯晴諧孟庚午在王偉奏

各續燦
余乙丑

同房中余以前韻補酬并挽偉奏諧孟又

廣答云再喜連裾破碧茸雁行秋杳語猶

龍楓江互映三湘色匡嶽誰叅百丈宗星

殞孤忠當日鐸霜回長樂舊時鐘封胡邊

荆駝逸史

甲行日注三

三

末陽元像容我支郎戴笠從

十四日丙辰晴大風

十五日丁巳冬至晴暖謁聖恩剖公談理真

實切當布帛菽粟足能療飢禦寒也歸自

黃泥嶺取道顧墓梅桂各有數十本亦山

中一勝游美地夜夢沈君晦功成余遺以

詩有自起悵中書露布將軍椽筆劍花霜

之句又海上青蛭霜護節江干白馬日迎

旗二語君晦一片忠憤付之飛灰漂流生
死杳無消息嚮風佇司每欲沾衣不意吹
葭初夕有此佳兆

十六日戊午晴風

十七日巳未晴得梅花二枝水仙數莖芳香
色韻皆足匹敵恨無井肩貯之唐詩酒瓶
今已足花瓶余實插之茗罌內耳

十八日庚申晴暖

荆駝逸史

甲行日注二

古

十九日辛酉晴吳茂申來云

皇華行

及括蒼爲亂兵罄掠不能竣簡書遂僧服
歸不入家徑至山中自持野鴨鱸魚過余
卽命烹之同飯貴游數年矣吾輩道義真
率之風故自猶在

二十日壬戌晴

二十一日癸亥晴與仲日兒輩訪茂申留飲
兒輩別歸余不能踰嶺宿黃儒完家

二十二日甲子晴甚冷茂申過余白飯

二十三日乙丑陰冷仲日遺膽飛貯花

二十四日丙寅晴余初度也年五十八率意作二

詩以寄無聊仲日首倡和什兒輩隨續次
賚之云掛瓢曾擬踏匡廬歸向家山共此
墟千里鴻飛仙尹寫故園鶴舞野人裾暫
留岩壑無丹竈不學韜鈴有素書春酒如
澗欣更祝坐看天壘靜南虛一風高禾黍

荆驛逸史

甲行日注三

五

故宮迷薜荔秋深鹿苑栖雲物幾年違冀
北軍胥昔日報遼西老臣異地悲添臘聖
主同時歎鼓鞳未應東山卽堅卧且將展
齒問招提二嚴朔仲日烽火連驚臥草廬承顏
聊幸在山墟錦帆川近花留壓玉屑樓高
露濕裾愁寂兩年皇覽賦春暹二載大撓
書祇因栖隱無觴進待滿黃鐘樂未虛一

寥落孤星客况迷浮鷗還向渚沙棲入

入曾問桃源渡避世惟參鷲嶺西如水臣
門空看劍普天義旅正喧輦殘崖芳草休
惆悵斗政於今見攝提 二 伶雲 歌罷幽

風在客廬採薇供酒醉幽墟萬家烽火連
胡髻一室琴樽曳故裾游倦長卿徒有壁
愁窮虞相但成書寒飈莫遣霜饒鏡羸得
瞿曇兩鬢虛 一 兼葭水阻望卿迷繞樹餘
三未識栖漢臘忍將隨漢北海籌遙記自

荆蹤逸史

甲行日注三

去

瀛西每慚萍影虛春酒欲報松年事塞聲
聞道天迴新瑄後青山落日劍頻提 二 伺

期

曉山翠色對衡廬一片村聲曠谷墟

客舍雲烟風裏屨鄉關樽酒雪中裾愁深
玉塞芳看佩夢繞金華獻擬書滿眼晴光
可共祝天涯此日莫令虛 一 湖光烟樹共
凄迷隱似龍止暫托栖一載征鳥新歲月

兩山飄葉自東西重將笠影雙窺鏡 去 年

在臯

亭
歷話萍踪又聽鞦韆圍坐瓷甌傾共醉籬

邊村酒待頻提

二 館星 期

風霜卽避越山

廬涕淚中原麥秀墟石徑樵歸沽有酒松
岩衲破冷無裾笳聲故國遙征戍烽火江
干隔羽書回首舊年寒雪夜并州魂夢又
成虛一空山烟霧望中迷彈鋏歸來倚杖
栖草野相看思袒左旌旄共佇拜征西幾
人捫壑悲巢石兩度添籌泣戰輦酒泛樽

荆駝逸史

甲行日注三

七

前歌闕祝漫從法幢學摩提

二 僊 弓 期

二十五日丁卯晴

二十六日戊辰晴輕霜籍草疎烟籠人家如
畫

二十七日己巳晴仲日言郡中驕淫之習倍
不可言閨閣俱用貂鼠襖額以效胡風灑
綿綉彩不但女子服也丈夫奇錦作小袖
衣必加半臂製紉精工花鳥炫艷之極戲

劇較前益多畫船簫歌外室無虛夕飲食
若流非盈方丈不御七箸矣噫風俗繇人
心而成人心已死殺氣安得不生厲未足
以厭之而又恃厲以恣其毒歟且亦若有
朝不及夕之意焉兒輩又得梅花二枝換
去故者又蠟梅一枝紅薔薇四朶斐然其
色馥然其香亦當效袁石公名瓶花齋矣
二十八日庚午晴姪孫學山來言吾邑宴厲

令之盛遷豆肴核費至三十餘金倍席賚
從俗人樂伎華燈肯體俱不在內也不知
虞悰食疏中所載何物耗金錢乃爾國破
民瘼之日爲此濫觴貢媚脰朋捐儉約之
風猶小喪名義之防實大余豈敢歌相鼠
之章以傷友道不能不爲君心國恫耳雖
有良朋烝也無戎我其誦此愧矣因作一
絕云買宴春宵列錦屏緡錢二十萬餘增

降奴此夜干珍錯若個簞膠上孝間

十一月廿九日辛未晴暮大風

十一月三十日壬申陰冷

甲行日注卷之三終

朔號逸史

甲行日注三

九

